

राजा महला सु नीचा उतरे ओ भईडा,

दोहा जननी जणे तो ऐसा जण,
के दाता के शूर,
नही तर रीजे बांजनी,
तू मती गमाजे नूर ।

राजा महला सु नीचा उतरे ओ भईडा,
छोडयो लोयोना गढ रो राज जे ए हा,
रानी मेनागर नीची उतरे ओ भईडा,
माथे उचाया नैना बाल जे ए हा ॥

अरे आडी फिरे ने प्रजा पूचीयो ओ राजा,
क्यु थे जावो परदेश जे ए हा,
अरे आडी फिरे ने प्रजा पूचीयो ओ राजा,
क्यु थे जावो परदेश जे ए हा,
सत्य धर्म रे कारणे ओ भईडा,
छोडयो लोयोना गढ रो साथ जे ए हा ॥

घर घर चंदो मेतो देवसा ओ राजा,
देवा ब्रहामण ने मेतो दान जे ए हा,
एसो सतवादी राजा नही मिले ओ माने,
मत न थे जावो परदेश जे ए हा ॥

मगरे मगरे तो रोवे मोरीया ओ राजा,
धोरो मे कूके धोली ढेल जे ए हा,
मगरे मगरे तो रोवे मोरीया ओ राजा,
धोरो मे कूके धोली ढेल जे ए हा,
खाईजो पिजो ने माया मोनजो मारी प्रजा,
लेजो हरी जी वालो नाम जे ए हा,
अरे खाईजो पिजो ने माया मानजो मारी प्रजा,
लेजो हरी जी वालो नाम जे ए हा ॥

रात गई ने दिनडो उगीयो ओ राजा,
पोछ्या है जमुना जी री तीर जे ए हा,
रात गई ने दिनडो उगीयो ओ राजा,
पोछ्या है जमुना वाली तीर जे ए हा,
हाथ जोडेने राजा बोलीया,
जमुना जी जानो माने पेलोडी तीर जे ए हा,
हाथ जोडेने राजा बोलीया जमुना जी,
जानो माने पेलोडी तीर जे ए हा ॥

अरे जड जाई फुलडा ने रे जाई वासना रे,
जुग मे वेला सतीयो रो अमर नाम जे ए हा,
अरे जड जाई फुलडा ने रे जाई वासना रे,
जुग मे वेला सतीयो रो अमर नाम जे ए हा ॥

राजा महला सु नीचा उतरे ओ भईडा,
छोडयो लोयोना गढ रो राज जे ए हा,
रानी मेनागर नीची उतरे ओ भईडा,
माथे उचाया नैना बाल जे ए हा ॥

गायक प्रकाश माली जी ।
प्रेषक मनीष सीरवी
9640557818

Source: <https://www.bharattemples.com/raja-mehla-su-niche-utarya-o-bhaida/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>